



Broj: 02-04-682/23-AP-3
Datum: 22.03.2023. godine

GRADSKO VIJEĆE ZAVIDOVIĆI
n/r PREDSEDAVAJUĆEM GRADSKOG VIJEĆA
gospodin Admir Fojnica

PREDMET: Odgovori na vijećnička pitanja sa 11. sjednice Gradskog vijeća Zavidovići održane 28.02.2023. godine, dostavljaju se

Povodom vijećničkih pitanja postavljenih na 11. sjednice Gradskog vijeća Zavidovići održanoj 28.02.2023. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA HAKIJE BOŠNJAKOVIĆ

Vijećnik Hakija Bošnjaković: Općinsko vijeće Zavidovići, 29.03.2013. godine, razmatralo je i usvojilo Informaciju o uslovima realizacije izgradnje gradskog groblja na lokalitetu „Ekonomija – Batvice“. U pomenutoj Informaciji, zaključnim razmatranjima kazano je da za realizaciju projekta gradskog groblja na lokalitetu „Ekonomija – Batvice“ Zavidovići treba obezbijediti sredstva u Budžetu, da je moguće fazno rješavanje projekta i sa imovinsko pravnog aspekta i sa aspekta finansiranja, te da je prije započinjanja bilo kakvih aktivnosti potrebno uraditi kvalitetnu procjenu nekretnina za koje se mogu riješiti imovinsko pravni odnosi i procjenu iznosa sredstava za rješavanje istih.

Prošlo je 10 godina – ni procjene, ni sredstava, ni realizacije pomenutog projekta.

Stanje gradskog mezarja „Flos“, takvo je da vrlo brzo neće biti mjesta za nove ukope. Problem je očigledan i nije se javio preko noći.

Je li u proteklim godinama išta učinjeno po pitanju realizacije projekta gradskog groblja na lokalitetu „Ekonomija – Batvice“? Da li se možda odustalo od tog projekta? Postoji li neko alternativno rješenje?

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-18/23-AP-106 od 14.03.2023. godine): Nadležna Služba za upravu geodetskih, imovinskopravnih poslova i urbanizam nije rješavala imovinskopravne odnose u svrhu izgradnje projekta gradskog groblja na lokalitetu „Ekonomija – Batvice“ niti je korisnik eksproprijacije (Gradsko pravobranilaštvo) ovoj Službi podnosio prijedloge za eksproprijaciju – rješavanje imovinskopravnih odnosa u navedenu svrhu.

Prema Regulacionom planu „Ekonomija – Batvice“ na predmetnom lokalitetu predviđena je izgradnja gradskog groblja ali pošto do realizacije još uvijek nije došlo traži se alternativno rješenje za izmještanje predmetnog groblja sa navedene lokacije na neko drugo mjesto.

Izmjenom Regulacionog plana „Ekonomija – Batvice“ planirano groblje na predmetnoj lokaciji bi se odredilo kao industrijska zona.

2. VIJEĆNIČKO PITANJE VIJEĆNIKA FEHIMA TUZLIĆ

Vijećnik Fehim Tuzlić: Poštovani,
Dana 20.02.2023. godine obratio sam se Službi za upravu, lokalni razvoj, infrastrukturu i međunarodnu saradnju Grada Zavidovići kao i Gradskom pravobranilaštvu a vezano za nelegalne građevinske radova na parceli k.č. 1292/2, k.o. Zavidovići.
Do danas nisam dobio nikakav odgovor po navedenom pitanju pa zahtijevam da mi se što prije odgovori i to u pisano obliku.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-90/23 od 15.03.2023. godine): U prilogu se nalazi odgovor Građevinskog inspektora od 15.03.2023. godine.

Odgovor na vijećničko pitanje (Odgovor je sačinjen na osnovu akta Gradskog pravobranilaštva Zavidovići, broj: R-22/23 od 20.03.2023. godine): Na 11. sjednici Gradskog vijeća Zavidovići održanoj dana, 28.2.2023. godine od strane vijećnika Tuzlić Fehima postavljeno je vijećničko pitanje koje se odnosi na nelegalne građevinske radove na parceli k.č. 1292/2 k.o. Zavidovići koje je prema navodima iz pitanja izvršilo Privredno društvo „Kobra“ d.o.o. Zavidovići.

U vezi sa navedenim obavještavate se da se od strane ovog Pravobranilaštva preduzimaju pravne radnje i sredstva na utvrđivanju činjeničnih navoda radi preduzimanja Zakonom propisanih radnji i mjera od strane ovog pravobranilaštva.

3. VIJEĆNIČKA PITANJA VIJEĆNIKA ADMIRA FOJNICE

1. Vijećnik Admir Fojnica: Poštovani/a,
na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam nekoliko pitanja iz oblasti civilne zaštite.

Obrazloženje:

Prema dostupnim informacijama Grad Zavidovići je bio uključen u realizaciju međunarodnih projekata iz oblasti zaštite i spasavanja. S obzirom na lošu saradnju, posljedica je da koordinatori izbjegavaju uključivanje Grada Zavidovići u ovakve projekte, pa shodno tome imam nekoliko pitanja za nadležne službe:

1) Da li je donesen Program razvoja zaštite i spašavanja od prirodnih i drugih nesreća Grada Zavidovići za period 2021 – 2025?

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-79/23 od 20.03.2023. godine): Program razvoja zaštite i spašavanja od prirodnih i drugih nesreća Grada Zavidovići za period 2021. – 2025. godina nije donesen. Kao jedan od najkompleksnijih dokumenata koji je polazna tačka za mnoge aktivnosti zaštite i spašavanja za izradu istog je potrebno obraditi kompletno strukturu zaštite i spašavanja. Također u izradi je potrebno u okvir važećih zakonskih okvira, ubaciti i evropske direktive, uputstva i mišljenja. Obzirom da je za izradu potrebno angažovanje stručnih lica, Služba za upravu civilne zaštite je u sklopu projekta „Jačanje otpornosti na prirodne katastrofe i unapređenje strategije pripravnosti (PREPS)“ koji je Grad Zavidovići provodio zajedno sa organizacijom CRS, uvrstio i izradu Programa razvoja zaštite i spašavanja od prirodnih i drugih

nesreća. Na izradi navedenog od strane CRS-a je angažovan i stručni konsultant. Dokument je izrađeni, u toku je priprema provođenja javne rasprave, kako bi se nakon toga poslao Gradskom vijeću na usvajanje.

2. Vijećnik Admir Fojnica: Da li je osigurano funkcionisanje operativnog centra civilne zaštite, da li sistem funkcioniše i kako?

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-79/23 od 20.03.2023. godine): Funkcionisanje Operativnog centra osigurano je već od 2005. godine shodno Zakonu o zaštiti ljudi materijalnih dobara od prirodnih i drugih nesreća i Pravilnika o organizovanju i funkcionisanju operativnih centara civilne zaštite. Operativni centar smješten je u zgradi Gradske uprave Grada Zavidovići na 20 kvadratnih metara prostora. Od opreme posjeduje:

- Telefonija (broj direktnih PTT priključaka – 2 (direktan i fax broj) kao i besplatni /hitni/ broj civilne zaštite za građane 121).
- HF Uređaj (KT)
Mogućnost uspostave radioveze sa susjednim općinama, Kantonalnom i Federalnom upravom civilne zaštite.
- Operativni centar je opremljen savremenim baznim KT uređajem - KENWOOD TS 570 koji je smješten u Operativnom centru (F/o=30 Mhz,100 W). Uređaj je funkcionalan od 2005. godine, antena (INVERTE D V) postavljena na krov zgrade, sa mogućnošću rada na radio-amaterskim frekvencijama (7,14,21 i 28 MHz) sa više općina u BiH i šire u susjednim zemljama.
- VHF-UHF radio uređaji (UKT)
Područje Grada Zavidovići u potpunosti je pokriveno UKT radiovezom preko 2 repetitora na području grada: 1 fiksni repetitor na dominantnoj koti (planina Klek) i 1 mobilni repetitor (GR 500) koji se po potrebi aktivira na područje prirodne nesreće ili druge nesreće. Operativni Centar posjeduje 1 Baznu VHF stanicu (HYT TM 800 i 8 mobilnih - ručnih UKT radio stanica (HYT TC-700), na krovu zgrade Gradske uprave postavljene dvije antene za rad na UKT području (gepejka i jagica) što nam daje mogućnost povezanosti UKT vezom sa PU Zavidovići, ŠPD-om, Elektrodistribucijom i svim subjektima korisnicima UKT veze). Sve navedeno je operativno, odnosno u funkciji. Za rad se koristi frekvencija odobrene od Regulatorne agencije. Oba repetitora rade na tim frekvencijama sa mogućnostima dodatnih programiranja, kao i Bazna i mobilne stanice koje u potpunosti zadovoljavaju sve potrebe.
- LAN mreža
Uspostava veze sa susjednim općinama, Kantonalnom i Federalnom upravom putem računarske veze - modemom ili internetom.

Pored gore navedenog Operativni centar civilne zaštite Grada Zavidovići posjeduje i sljedeće:

- Sistem za javno uzbuđivanje stanovništva: uspostavljen je i provjeren novi digitalni sistem za aktiviranje sistema - sirena za javno uzbuđivanje po novom Pravilniku i znacima uzbuđivanja, aktiviranje se vrši iz Operativnog centra.
- Posjedovanje ručne prenosive sirene za javno uzbuđivanje.
- GPS satelitsko očitavanje lokacije bilo gdje na području općine, što uveliko pomaže prilikom određivanja lokacija za deminiranje, trajno obilježavanje i sl.
- Topografska karta BiH 1: 200 000.
- Topografska karta Zeničko-dobojskog kantona podijeljena po općinama 1:50 000.
- Pregledna karta Grada Zavidovići 1:50 000 i 1: 25 000.

- Agregat Energy 2,8 KW, slučaju nestanka električne energije Operativni centar bi nesmetano radio.

Operativni centar Civilne zaštite Grada Zavidovići u potpunosti je opremljen i funkcionalan u skladu sa Pravilnikom o organizovanju i funkcionisanju operativnih centara civilne zaštite, te stručno osposobljenim licem za rad. U slučaju prirodnih i drugih nesreća vrši se mobilizacija 4 pripadnika operativnog centra Grada (radno vrijeme 24 sata).

Operativni centar zadovoljava sve naše trenutne potrebe, što se u dosadašnjoj praksi i pokazalo, naročito treba istaći i da je u najtežim uslovima, odnosno 2014. godine prilikom katastrofalnih poplava naš Operativni centar bez problema funkcionisao u punom kapacitetu (sve informacije, radioveze, naredbe, sjednice štaba, i dr), a pored toga preuzimao određen broj poziva na broj 121 upućene sa općinama Maglaj i Žepče (pad sistema veze u Maglaju i Žepču i preusmjeravanje poziva na naš centar) i prosljeđivao iste na dalju obradu.

3. Vijećnik Admir Fojnica: Šta je uradio štab civilne zaštite nakon poplava 2014. godine?

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-79/23 od 20.03.2023. godine): Kako se radi o veoma dugom vremenskom periodu, te uzimajući u obzir da Štab civilne zaštite ima veći broj obaveza i zadataka, tražim da se pitanje konkretizuje, odnosno dopuni. Za odgovor na ovako postavljeno pitanje potrebno je puno više vremena i resursa.

4. Vijećnik Admir Fojnica: Da li je donesen plan zaštite i spašavanja od prirodnih nesreća i da li se redovno provode vježbe i obuka ljudi?

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-79/23 od 20.03.2023. godine): Plan zaštite i spašavanja od prirodnih i drugih nesreća je donesen. Vježbe i obuke ljudi se ne provode redovno.

5. Vijećnik Admir Fojnica: Da li se provode redovne obuke građana i evakuacije školske djece u osnovnim i srednjim školama?

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-79/23 od 20.03.2023. godine): Redovne obuke građana se ne provode. Vježbe evakuacije djece u osnovnim i srednjim školama su rađene u sklopu projekata sa nevladinim organizacijama. A redovne vježbe evakuacije obavezne su provoditi javne ustanove u skladu sa zakonskim propisima.

6. Vijećnik Admir Fojnica: Zašto nakon poplava nismo kao Grad dobili veću podršku UNDP-a dok su druge jedinice lokalne samouprave sa manje štete osigurali veće investicije?

Odgovor na vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-20-79/23 od 20.03.2023. godine): Pitanje je postavljeno bez konkretnih činjenica, i isto je potrebno dopuniti kako bismo mogli odgovoriti na njega.

4. VIJEĆNIČKO PITANJE VIJEĆNIKA ARMINA IMAMOVIĆ

Vijećnik Armin Imamović: U skladu sa odredbama Poslovnika o radu Gradskog vijeća upućujem vijećničko pitanje.

Službi za društvene djelatnosti Grada Zavidovići a koje glasi:

Na osnovu pismenih (jedno takvo pismo prilažem uz pitanje) i usmenih pritužbi koje sam kao vijećnih dobio od stanovnika MZ Rujnica, a koje se odnosi na rad MZ uz pritužbe da se finansijski izvještaji predjau bez savjeta samoinicijativno bez izvještaja o ulazu i izlazu novca da see ne održavaju sastanci te da jedan čovjek odlučuje o svim aktivnostima ili ne aktivnostima.

Tražim od navedene službe izvještaj o radu i finansijskom poslovanju MZ Rujnica sa zapisnicima o održanim sastancima savjeta, tačkama dnevnog reda i odlukama koje se odnose na 2020, 2021 i 2022. god.

PRILOG: Pismo upućeno od članova savjeta MZ Rujnica iz Mednika, koje glasi:

RAD MZ ILI TAČNIJE O NE RADU MZ RUJNICA.

Poštovani gradski vijećnici želja a i dužnost nam je da vam se ovim putem obratimo i da vas informišemo o radu jedne MZ Rujnica.

Mi članovi savjeta MZ Rujnica iz mjesta Mednik koji obuhvata teritorijalno 1 trećinu Rujnice i 1 četvrtinu po broju stanovnika MZ Rujnica, i koje ima svoja 2 člana savjeta u MZ Rujnica.

Na čelu savjeta MZ Rujnica to jest predsjednik Savjeta MZ je Haris Hodžić.

Elaborirat ćemo vam rad savjeta samo unazad 2 godine, pa vi sami procijenite jel' ovo rad MZ ili presjednikova samovolja.

U 2021 se ništa nije značajno odvojilo do Avgusta kada je napravljen plan obilježavanja oslobođenju Blizne koji se isti plan nije odradio do kraja.

Npr. Izvještaja nije bilo o izlazu i ulazu novca to jest o prihodima i rashodima.

Završni finansijski izvještaj u 2021. g. Možda je upućen u gradsku službu samoinicijativno od Predsjednika ali bez znanja savjeta MZ ni kakav je ili jel uopće upućen.

Februar pokušaj da se sastane savjet bez uspješno nema kvoruma.

Septembar saziva se sastanak savjeta razlog je što je Gradonačelnik uplatio sredstva za obilježavanje oslobođenja Blizne boračkoj organizaciji a ne MZ Rujnica.

Na ovom sastanku dogovorene su daljnje aktivnosti oko obilježavanja i to je to.

Opet nema nikakvog izvještaja ni o rashod ni o prihodu poput naplate placarine i svega drugog itd...

Za 2022. g. je li podnešen finansijski izvještaj prema gradskoj službi ili bilo koji izvještaj to članovi savjeta ne znaju ništa o tome.

Ako i jest to nije izvještaj savjeta MZ Rujnica nego samo inicijativni od Harisa Hodžića.

I to je to o radu MZ Rujnica.

A o informisanju članova Savjeta to mi ne posjedujemo o bilo kojoj informaciji koja dođe u MZ.

Nadamo se da će vam ovo biti od korisnog značaja kako rade ili kako radi MZ Rujnica.

Hvala

Članovi savjeta MZ Rujnica iz Mednika.

Odgovor na vijećničko pitanje: Nadležna služba nije dostavila odgovor na vijećničko pitanje.

5. VIJEĆNIČKO PITANJE VIJEĆNIKA HAMDE DŽINIĆ

Vijećnik Hamdo Džinić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče

potrebe informisanja o realizaciji usvojenog zaključka br. 01-23-1783/21 od 30.07.2021. godine

Obrazloženje vijećničkog pitanja:

Na 7. sjednici Općinskog vijeća Zavidovići, održanoj 30.07.2021. godine usvojena je inicijativa Kluba vijećnika SDP-a za izradu plana donošenja Odluke o utvrđivanju Javnog interesa i rekonstrukcije putne komunikacije u MZ Vozuća.

Tokom Avgusta 2022. godine izvršeno je asfaltiranje 470 m od planiranih 1000 m.

Direktno pitanje:

Od gradonačelnika i nadležne službe tražim odgovor na pitanje kada se planira nastavak radova usvojenih zaključkom?

Od nadležnih zahtijevam jasan odgovor u pisanoj formi.

Pitanje postavljam gradonačelniku i nadležnoj gradskoj službi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-90/23 od 15.03.2023. godine): U toku 2022. godine, a u vezi sa navedenom inicijativom realizovani su radovi na sanaciji putne infrastrukture u naseljenom mjestu Vozuća u iznosu od 96.094,44 KM, dok će nastavak radova sanacije putne infrastrukture zavistiti od raspoloživih sredstava za ove namjene, kao i ostalih prioriteta na području Grada Zavidovići, budući da je neophodno voditi računa o ravnomjernom ulaganju na čitavoj teritoriji Grada.

6. VIJEĆNIČKO PITANJE VIJEĆNIKA DEMIRA BULJUBAŠIĆ

Vijećnik Demir Buljubašić: U skladu sa Regulacionim planom Centar 2 iz 2008. godine na lokaciji raskrsnice u ul. Rocandelle i Sarajevska ulica pa do zgrade Gimnazije, preko potoka k.č. 1700/1 planirana je izgradnja ceste. Interesuje me da li je pokrenuta procedura za realizaciju izgradnje, ako ne, da li postoji mogućnost da se oslobodi uzurpirana teritorija te da se izgradi privremena pješaka staza koja bi omogućila stanovnicima i učenicima lakši pristup do škole.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-90/23 od 15.03.2023. godine): Za realizaciju ovog projekta je neophodno izraditi investiciono-tehničku dokumentaciju, riješiti imovinskopravne odnose, pribaviti odobrenje za građenje, te obezbijediti sredstva za izgradnju same saobraćajnice. Kako Budžetom Grada Zavidovići za 2023. godinu nisu obezbijedena sredstva za troškove eksproprijacije kao i same izgradnje, Služba za upravu privrede, lokalni razvoj, infrastrukturu i međunarodnu saradnju nije pokretala proceduru izrade investiciono-tehničke dokumentacije koja bi bila svrha sama sebi.

Rješavanje ovog pitanja smatratamo korisnim za građane, te ćemo u narednom periodu, a po obezbjeđenju novčanih sredstava pristupiti istom.

7. VIJEĆNIČKA PITANJA VIJEĆNIKA AMERA AVDIČEVIĆ

1. Vijećnik Amer Avdičević: Inicijativa za donošenje odluke o ostvarivanju prava svakog prijavljenog kandidata na volontiranje o organu uprave Grada Zavidovići

Dosadašnja praksa bila je da određeni broj kandidata koji se pojave za volontiranje bude primljen, dok ostali kandidati čekaju svoju priliku. Praksa je pokazala da je i ovaj čin našeg

Grada prema studentima koji završe školovanje od velike važnosti, jer im stvara priliku za stručno osposobljavanje i sticanje potrebnog iskustva u struci za dalja zapošljenja.

Odluka treba obezbijediti planiranje većeg iznosa sredstava u narednim prijedlozima budžeta, a ove godine iskoristiti sva raspoloživa sredstva za ovu svrhu. Smatram da ima sasvim dovoljno mjesta u svim službama za volontere koji će svojim radom pomoći službama u izvršavanju njihovih zadataka, a u slučaju pretrpanosti može se Gradska uprava rasteretiti, tako što će dio volontera raditi određene poslove u mjesnim zajednicama, koje posjeduju potrebne uslove (voda, struja, grijanje, internet i sl.), te im se posebno nadoknaditi troškovi prijevoza do sjedišta određene mjesne zajednice.

Kao što sam ranije spomenuo, iskoristiti sva raspoloživa sredstva ovog budžeta, a iduće godine planirati nova sredstva u uvećanom iznosu za ove potrebe.

Odgovor na vijećničko pitanje (Odgovor je sačinjen na osnovu akta Stručne službe Gradonačelnika, broj: 02/1-45-8/23-AP-26 od 13.03.2023. godine): Članom 85. Pravilnika o radnim odnosima u Općini Zavidovići („Službeni glasnik Općine Zavidovići“, broj: 1/22 i „Službeni glasnik Grada Zavidovići“, broj: 1/23), propisano je da općinski načelnik može lice koje je završilo školovanje visoke, više i srednje stručne spreme primiti na stručno osposobljavanje bez zasnivanja radnog odnosa, ako je stručni ispit ili radno iskustvo utvrđeno zakonom ili pravilnikom o radu uvjet za obavljanje poslova određenog zanimanja.

Članom 86. Pravilnika o radnim odnosima u Općini Zavidovići propisano je da općinski načelnik za prijem lica na stručno osposobljavanje raspisuje javni konkurs, a članom 87. istog Pravilnika utvrđeni su kriteriji za izbor lica na stručno osposobljavanje.

U skladu sa članom 86. Pravilnika o radnim odnosima u Općini Zavidovići Gradonačelnik Zavidovići je raspisao javni konkurs za prijem lica na stručno osposobljavanje bez zasnivanja radnog odnosa koji je u toku.

Što se tiče novčanih sredstava za finansiranje lica na stručnom osposobljavanju bez zasnivanja radnog odnosa u Buždetu Grada Zavidovići za 2023. godinu („Službeni glasnik Grada Zavidovići“, broj: 8/22), na poziciji „Izdaci po osnovu ugovora o stručnom osposobljavanju bez zasnivanja radnog odnosa - volonteri“ u 2023. godini planirano je 70.000,00 KM.

U cilju osposobljavanja mladih ljudi kojima je potrebno prvo radno iskustvo kako bi mogli da ravnopravno učestvuju u konkursima za prijem na određena radna mjesta Grad Zavidovići će svakako i u narednim godinama planirati značajna sredstava za ovu namjenu.

2. Vijećnik Amer Avdičević: Opet upućeno Sturčnoj službi Gradskog vijeća, da li na ovoj sjednici su ispoštovani sve poslovnički propisi, da li imamo obezbijeđeno emitiranje ove sjednice video prijenosom?

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-683/23-AP-2 od 17.03.2023. godine): Gradsko vijeće Zavidovići na 9. sjednici održanoj dana 17.01.2023. godine, donijelo je Odluku o izmjenama i dopunama Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23).

Članom 2. predmetne Odluke, propisano je: „U članu 56. Poslovnika o radu Gradskog vijeća Zavidovići, iza stava (3) dodaje se novi stav (4) koji glasi: „Javnost rada Gradskog vijeća obezbjeđuje se prenosom i emitovanjem sjednica Gradskog vijeća putem sredstava javnog informisanja.“

Članom 3. predmetne Odluke, propisano je: „Član 97. stav (5) Poslovnika o radu Gradskog vijeća Zavidovići, mijenja se i glasi: „Sjednica Vijeća se snima tonski i

videosnimkom, na način da se videosnimak objavljuje na platformi YouTube, da se dostavlja svakom vijećniku snimak (cd, usb, e-mail ili na neki drugi način), te da se videosnimak sjednice Vijeća prenosi uživo preko društvene mreže Facebook (live prijenos).“

Gradski organi uprave u postupku dodjele ugovora javne nabavke usluga „Usluga radijskog prijenosa sjednica Gradskog vijeća Zavidovići i radijskog objavljivanja obavještenja za potrebe Grada Zavidovići za 2023. godinu“, prvo otvaranje ponuda zakazano za dan 06.03.2023. godine, nije bilo prijava.

Ponovna objava „Usluga radijskog prijenosa sjednica Gradskog vijeća Zavidovići i radijskog objavljivanja obavještenja za potrebe Grada Zavidovići za 2023. godinu“, broj: 02-11-702/23-AP-2 od 03.03.2023. godine, objavljen dana, 14.03.2023. godine u Informacioni sistem „E-nabavke“ pod brojem: 1374-7-2-48-3-51/23 dostavljeno do 24.03.2023. godine do 12,00 sati.

Vrijeme otvaranja pristigle ponude zakazano je 24.03.2023. godine u 12:30 sati.

Postupak dodjele ugovora javne nabavke usluga „Usluga radijskog prijenosa sjednica Gradskog vijeća Zavidovići i radijskog objavljivanja obavještenja za potrebe Grada Zavidovići za 2023. godinu“, je u toku, nije okončan.

Gradski organi uprave u postupku dodjele ugovora javne nabavke usluga „Javna nabavka usluga prijenosa uživo sjednice Gradskog vijeća Zavidovići za 2023. godinu, putem društvenih mreža Facebook.

Ponuda u postupku dodjele Ugovora javne nabavke usluga „Usluga prijenosa uživo sjednica Gradskog vijeća Zavidovići za 2023. godinu, putem društvene mreže „Facebook“, broj: 02-11-658/23-AP-2 od 03.03.2023. godine, objavljen dana, 06.03.2023. godine u Informacioni sistem „E-nabavke“ pod brojem: 1374-7-2-35-3-46/23 dostavljeno do 16.03.2023. godine do 12:00 sati.

Vrijeme otvaranja pristigle ponude zakazano je 16.03.2023. godine u 13:00 sati.

Pristigla jedna nepotpuna prijava, te će se ovaj postupak ponoviti.

Postupak dodjele ugovora javne nabavke usluga „Usluga prijenosa uživo sjednica Gradskog vijeća Zavidovići za 2023. godinu, putem društvene mreže „Facebook“, je u toku, nije okončan.

Po okončanju postupka javne nabavke - dodjelom ugovora u postupku javne nabavke usluga: „Usluga radijskog prijenosa sjednica Gradskog vijeća Zavidovići i radijskog objavljivanja obavještenja za potrebe Grada Zavidovići za 2023. godinu“ i „Usluga prijenosa uživo sjednica Gradskog vijeća Zavidovići za 2023. godinu, putem društvene mreže „Facebook“, obezbijedit će se tehnički uslovi za prenos i emitovanje sjednica Gradskog vijeća putem sredstava javnog informisanja, odnosno snimane tonski i videosnimkom, na način da se videosnimak objavljuje na platformi YouTube, u skladu sa članom 56. stav (3) i članom 97. stav (5) Poslovnika o radu Gradskog vijeća Zavidovići – novi prečišćeni tekst.

3. Vijećnik Amer Avdičević: Evo prvo vijećničko pitanje bilo vezano za realizaciju Zaključka Inicijativa koja je bila za postavljanje jarbola, odgovoreno mi je u skladu sa raspoloživim sredstvima 2022. godine vodite će su aktivnosti na postavljanju jarbola i zastava na spomeniku žrtvama fašizma 1942. – 1945. molim da mi se dostavi odgovor za jarbole o kojim se govori Inicijativa, sasvim druga lokacija, sasvim drugi projekat, nisam dakle zadovoljan to je dopunsko.

Odgovor na dopunsko vijećničko pitanje: Nadležna služba nije dostavila odgovor na vijećničko pitanje.

4. Vijećnik Amer Avdičević: Drugo jeste bilo vezano za pse litalice dobio sam detaljan odgovor dopunsko je šta smo uradili povodom toga da riješimo taj problem, koliko se sjećam u budžetu nisu ni malo uvećana sredstva tamo je ugovor prekinut 6,7 mjesec, ja razumijem da nema ni sredstava za taj azil, ali mi i dalje imamo pse ovdje na ulici, imamo ogroman problem i bojim se da ćemo biti u još većem problemu ako se desi kakva nezgoda to je to.

Odgovor na dopunsko vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih, broj: 08-45-21/23-AP-59 od 15.03.2023. godine): Od dana 22.07.2022. godine kada je UG „ŽIVOTINJSKO CARSTVO ARMA“ dostavilo izjavu o jednostranom raskidu ugovora, Gradonačelnik je raspisao još tri javna poziva za zbrinjavanje pasa litalica ali po navedenim javnim pozivima nije pristigla niti jedna prijava. Trenutno je raspisan novi javni poziv za zbrinjavanje pasa litalica.

8. VIJEĆNIČKA PITANJA VIJEĆNIKA SAMIRA SKEJIĆ

1. Vijećnik Samir Skejić: Obzirom da su vijećnici u aktuelnom mandatu podnijeli značajan broj inicijativa a da određen broj istih nije uvršten u dnevni red sjednica Vijeća zamolio bih nadležnu službu da nam dostavi pregledan izvještaj o inicijativama koje nisu uvrštene na dnevni red uz potpuno obrazloženje zašto ne zadovoljavaju kriterije za uvrštavanje?

Odgovor na vijećničko pitanje: Nadležna služba nije dostavila odgovor na vijećničko pitanje.

2. Vijećnik Samir Skejić: Zašto se u programu rada Gradskog vijeća za 2023. godinu pod tačkom 43. Objedinjeni izvještaji o radu i poslovanju javnih ustanova?

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-683/23-AP-2 od 17.03.2023. godine): Programom rada Gradskog vijeća Zavidovići za 2023. godinu („Službeni glasnik Grada Zavidovići“, broj: 8/22), period A - januar – april 2023. godine, tačka 41. , navedeno je:

„ 41. Izvještaj o radu i finansijskom poslovanju javnih ustanova sa izvještajima o radu upravnih odbora, kojima je osnivač Gradsko vijeće Zavidovići za 2022. godinu, i to:

- a) Javna ustanova „Centar za kulturu“ Zavidovići,
- b) Javna ustanova „Javna biblioteka“ Zavidovići,
- c) Javna ustanova „Centar za socijalni rad“ Zavidovići,
- d) Javna ustanova „Dom zdravlja“ Zavidovići,
- e) Javna ustanova „Gradski dječiji vrtić“ Zavidovići.

R o k: april 2023. godine,

Obrađivač: Služba za upravu društvenih djelatnosti, pitanje boraca i opću upravu,

Predlagač: Gradonačelnik,

Pravni osnov: Član 27. Uredbe sa zakonskom snagom o ustanovama („Službeni list RBiH broj: 6/92, 8/93 i 13/94).“

Izvještaji o radu i finansijskom poslovanju javnih ustanova sa izvještajima o radu upravnih odbora, kojima je osnivač Gradsko vijeće Zavidovići za 2022. godinu, su prikazani kao podtačke, s tim da se u skladu sa članom 16. stav (1) Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 57. Statuta Općine Zavidovići („Službeni glasnik Općine Zavidovići“, broj 5/08 , 5a/08 i 11/19) Izvještaji za svaku

Javnu ustanovu pripremaju i razmatraju kao zasebne tačke dnevnog reda, uz učešće direktora i predsjednika upravnih odbora Javnih ustanova.

Prilikom izrade Programa rada Gradskog vijeća Zavidovići, pribavljaju se prijedlozi nadležnih Službi, konkretno prilažemo prijedlog Službe za društvene djelatnost, pitanja boraca i opću upravu, broj: 04-45-15/22-AP-325 od 15.11.2022. godine. (prilog broj 1.)

3. Vijećnik Samir Skejić: Zamolio bih nadležnu službu Grada da nam periodično pripremi kratak izvještaj o stanju budžeta budući je raspoloživi novac dinamična kategorija koja se značajno mijenja i na nivou mjeseca. Ako je moguće da nam u okviru izvještaja kratko prikaže prihodovnu i rashodovnu stranu između dva periodična izvještaja?

Odgovor na vijećničko pitanje (Odgovor je sačinjen na osnovu akta Službe za upravu finansija, budžet i trezor, broj: 05-45-12/23-AP-68 od 13.03.2023. godine): Pravilnikom o finansijskom izvještavanju i godišnjem obračunu budžeta u F BiH („Službene novine F BiH“, broj: 69/14), propisan je oblik i sadržaj finansijskih izvještaja, uputstva za izradu kvartalnih izvještaja i godišnjeg obračuna, periodi za koja se sastavljaju, te način i rokovi njihova podnošenja.

Služba za upravu finansija, budžet i trezor dostavlja, Gradskom vijeću, finansijske izvještaje u skladu s Pravilnikom o finansijskom izvještavanju i godišnjem obračunu budžeta u F BiH.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)